



UNIVERSITÄTS-
BIBLIOTHEK
PADERBORN

Universitätsbibliothek Paderborn

Fulvii Androtii Societ: Iesv Theologi Opuscula spiritualia

Androzzi, Fulvio

Coloniae, 1611

Remedia pro iis, qui ob respectus humanos negligunt benefacere.

[urn:nbn:de:hbz:466:1-48641](https://nbn-resolving.org/urn:nbn:de:hbz:466:1-48641)

*puget bene facere, ob respectus
humanos.*

1. **S**I non pudet te facere malè, cur
pudeat facere bene?

2. Memento te breui moriturum, &
coram Christo sistendum, quanto tunc
pudore suffunderis?

3. Si Christum nō puduit, è cruce pen-
dere nudum: cur pudet te bene facere?

4. Tot millia virorum & fœminarum
vitam pro Christo profuderunt, & tu
veterendaris amore illius, aliquid boni
agere?

5. Quid dices in die iudicij? quis tunc erit
pudor tuus, quæ confusio?

6. Dum bonè quidpiam agis, gaudium
afficis totum cœlum: an ergo ob respectus
humanos vis eos illo destitui?

7. Qui erubescit bene agere, erubescit
etiam esse Christianus, & quodammodo
vna cum Petro negat Christum.
Quid hoc pudore turpius?

8. Dominus dicit in Euangelio. Quis
me erubuerit corā hominibus, erubescam
& ego confiteri coram patre meo.

9. Psalmus dicit, Deum confundere
& spernere illos, qui hominibus placere
volunt. Et S. Paulus: Si adhuc hominibus placere
Christi seruus non essem.

Luc. 10. 28.

12.

1 sal. 52.

10. Co

COMMVNIONE. 173

10. Cogita, quàm turpe sit ob respectus humanos nolle facere, quæ Deo grata sint, & Sanctis.

11. Promisisti in Baptismo, te renuciare Dæmoni, eiusq; operibus, solumque Deum amare velle: cur ergo non pudet opera Dæmonis exequi? diuina autem præstare pudet?

12. Tota Scriptura clamat, vt soli Deo conemur placere, & mundum contemnere: & tamen erubescimus placere Deo, & mundo displicere.

13. Magna amentia est erubescere in bono opere, ea re enim æquè in hoc mundo, ac in altero reddimur contempti: non autem pude fieri in opere malo, vnde huius vitæ, & alterius pœnas vobis conciliamus.

14. Qui respectu humano arcentur à bono, quantum pude fieri tunc in inferno?

15. Ait Euangelium, Seruum scientem *LUC. 12.* Domini voluntatem, & non facientem, vapulaturum multis, quid ergo illo fiet, qui ob respectus humanos neglexit facere voluntatem Dei?

16. Quotidie dicis, *Fiat voluntas tua,* & tamen non facis illam, ad placendum hominibus.

17. Cogita, quantum in hora mortis

sis gauisurus, cum recordaberis, te ob respectus humanos à bonis operibus non destitisse.

18. An putas Deum te velle donare privilegijs, quibus nec filium suum, nec Sanctos vnquam donauit?

19. Putas te à Deo non videri? credis Deum ludere? persuadesne tibi, te à Deo ob tales iniurias non castigandum?

20. Cogita fieri non posse, vt bene sit tibi apud Deum & pariter apud mundum: vt placeas Deo simul & mundo.

21. Ob respectus humanos, ab edendo, ab ornando corpore, alijsque actionibus non absistis, & erubescis bene facere.

22. Si te quærentem thesaurum, alij iriderent, à cœpto non desisteres, & pudet te quærere thesaurum diuinæ gratiæ?

23. Considera ex vna parte Deum, & totum paradisum: ex altera verò mundum, vtrius potius habenda ratio, nonne prioris?

24. Ob respectus humanos non cessas bene facere ei, qui te è vitæ periculo eripuisset: cur ergo cessabis Deo, qui non solum dedit, sed etiã conseruat vitam?